


觀彌勒菩薩上生兜率陀天經

百五十七

豈二

4835-




元祿九年丙子二月日重脩

皇圖鞏固 帝階綴呂

佛日增輝 懋輪常轉

山城州天安寺法金剛院置



觀彌勒菩薩上生兜率陀天經

三

宋居士沮渠京聲譯



豈

如是我聞一時佛在舍衛國祇樹給孤獨園
亦時世尊於初夜分舉身放光其光金色遶
祇陀園周遍七匝照須達舍亦作金色有金
色光猶如段雲遍舍衛國處處皆雨金色蓮
華其光明中有無量百千諸大化佛皆唱是
言今於此中有千菩薩最初成佛名拘留孫
最後成佛名曰樓至說是語已尊者阿若憍
陳如即從禪起與其眷屬二百五十人俱尊
者摩訶迦葉與其眷屬二百五十人俱尊者
大目犍連與其眷屬二百五十人俱尊者舍



利弗與其眷屬二百五十人俱摩訶波闍波
提比丘尼與其眷屬千比丘尼俱須達長者
與三千優婆塞俱毗舍佉母與二千優婆夷
俱復有菩薩摩訶薩名跋陀婆羅與其眷屬
十六菩薩俱文殊師利法王子與其眷屬五
百菩薩俱天龍夜叉乾闥婆等一切大眾觀
佛光明皆悉雲集。爾時世尊出廣長舌相放
千光明一一光明各有千色一一色中有無
量化佛是諸化佛異口同音皆說清淨諸大
菩薩甚深不可思議諸陀羅尼法所謂阿難
陀目佉陀羅尼空慧陀羅尼無闕性陀羅尼
大解脫無相陀羅尼。爾時世尊以一音聲說

百億陀羅尼門說此陀羅尼已。爾時會中有一菩薩名曰彌勒。聞佛所說。應時即得百萬億陀羅尼。門即從座起。整衣服。叉手合掌。住立佛前。爾時優波離亦從座起。頭面作禮。而白佛言。世尊。世尊。往昔於毗尼中。及諸經藏。說阿逸多次。當作佛。此阿逸多。具凡夫身。未斷諸漏。此人命終。當生何處。其人今者。雖復出家。不修禪定。不斷煩惱。佛記此人成佛。無疑。此人命終。生何國土。佛告優波離。諦聽。諦聽。善思念之。如來應正遍知。今於此眾。說彌勒菩薩摩訶薩。阿耨多羅三藐三菩提。記此人從今十二年後。命終必得往生兜率天上。

尔時兜率陀天上有五百億天子一一天子
皆修甚深檀波羅蜜為供養一生補處菩薩
故以天福力造作宮殿各各脫身栴檀摩尼
寶冠長跪合掌發是願言我今持是無價寶
珠及以天冠為供養大心衆生故此人來世
不久當成阿耨多羅三藐三菩提我於彼佛
莊嚴國界得受記者今我寶冠化成供具如
是諸天子等各各長跪發願亦復如是
時諸天子作是願已諸寶冠化作五百萬
億寶宮一一寶宮有七重垣一一垣七寶所
成一寶出五百億光明一一光明中有五百
億蓮華一一蓮華化作五百億七寶行樹一

一樹葉有五百億寶色一一寶色有五百億
閻浮檀金光一一閻浮檀金光中出五百億
諸天寶女一一寶女住立樹下執百億寶無
數瓔珞出妙音樂時樂音中演說不退轉地
法輪之行其樹生菓如頗梨色一切衆色入
頗梨色中是諸光明右旋婉轉流出衆音衆
音演說大慈大悲法一一垣牆高六十二由
旬厚十四由旬五百億龍王圍遶此垣一一
龍王雨五百億七寶行樹莊嚴垣上自然有
風吹動此樹樹相振觸演說苦空無常無我
諸波羅蜜尔時此宮有一大神名牢度跋提
即從座起遍禮十方佛發弘誓願若我福德

為彌勒菩薩造善法堂令我額上自然出
珠既發願已額上自然出百億寶珠瑠璃頗
梨一切衆色無不具足如紫紺摩尼表裏映
徹此摩尼光迴旋空中化為四十九重微妙
寶宮一一欄楯萬億梵摩尼寶所共合成諸
欄楯間自然化生九億天子五百億天女一
一天子手中化生無量億萬七寶蓮華一一
蓮華上有無量億光其光明中具諸樂器如
是天樂不鼓自鳴此聲出時諸女自然執衆
樂器競起歌舞所詠歌音演說十善四弘誓
願諸天聞者皆發無上道心時諸園中有八
色瑠璃渠一一渠有五百億寶珠而用合成

一一渠中有八味水八色具足其水上涌遶
梁棟間於四門外化生四華水出華中如寶
華流一一華上有二十四天女身色微妙如
諸菩薩莊嚴身相手中自然化五百億寶器
一一器中天諸甘露自然盈滿左肩荷佩無
量瓔珞右肩復負無量樂器如雲住空從水
而出讚歎菩薩六波羅蜜若有往生兜率天
上自然得此天女侍御亦有七寶大師子座
高四由旬閻浮檀金無量衆寶以為莊嚴座
四角頭生四蓮華一一蓮華百寶所成一
寶出百億光明其光微妙化為五百億衆寶
雜華莊嚴寶帳時十方無量阿僧祇王各持

一梵天妙寶以為寶鈴懸寶帳上時小梵王
持天衆寶以為羅網彌覆帳上亦時百千無
數天子天女眷屬各持寶華以布座上是諸
蓮華自然皆出五百億寶女手執白拂侍立
帳內持宮四角有四寶柱一一寶柱有百千
樓閣梵摩尼珠以為交珞時諸閣間有百千
天女色妙無比手執樂器其樂音中演說普
空無常無我諸波羅蜜如是天宮有百億萬
無量寶色一一諸女亦同寶色亦時十方無
量諸天命終皆願生兜率天宮時兜率天宮
有五大神第一大神名曰寶幢身兩七寶散
宮牆內一一寶珠化成無量樂器懸處空中

不鼓自鳴有無量音適衆生意第二大神名
曰華德身兩衆華弥覆宮牆化成華盖一一
華盖百千幢幡以爲導引第三大神名曰香
音身毛孔中雨出微妙海此岸栴檀香其香
如雲作百寶色遶宮七匝第四大神名曰喜
樂雨如意珠一一寶珠自然住在幢幡之上
顯說無量歸佛歸法歸比丘僧及說五戒無
量善法諸波羅蜜饒益勸助菩提音者第五
大神名曰正音聲身諸毛孔流出衆水一一水
上有五百億華一一華上有二十五玉女一
一玉女身諸毛孔出一切音聲勝天魔后所
有音樂佛告優波離此名兜率陀天十善報

應勝妙福處若我住世一小劫中廣說一生
補處菩薩報應及十善果者不能窮盡今為
汝等略而解說佛告優波離若有比丘及一
切大衆不厭生死樂生天者愛敬無上菩提
心者欲為彌勒作弟子者當作是觀作是觀
者應持五戒八齋具足戒身心精進不求斷結
修十善法一一思惟兜率陀天上上妙快樂
作是觀者名為正觀若他觀者名為邪觀
尔時優波離即從座起整衣服頭面作禮白
佛言世尊兜率陀天上乃有如是極妙樂事
今此大士何時於閻浮提沒生於彼天佛告
優波離却從十二年二月十五日於波羅捺

國劫波利村波婆利大婆羅門家本所生處
結加趺坐如入滅定身紫金色光明艷赫如
百千日上至兜率陀天其身舍利如鑄金像
不動不搖身圓光中有首楞嚴三昧般若波
羅蜜字義炳然時諸天人尋即爲起衆寶妙
塔供養舍利時兜率陀天七寶臺內摩尼殿
上師子床坐忽然化生於蓮華上結加趺坐
身如閻浮檀金色長十六由旬三十二相八
十種好皆悉具足頂上肉髻髮紺瑠璃色釋
迦毗楞伽摩尼百千萬億甄叔迦寶以嚴天
冠其天寶冠有百萬億色一一色中有無量百
千化佛諸化菩薩以爲侍者復有他方諸大

菩薩作十八變隨意自在任天冠中弥勒眉
間有白毫相光流出衆光作百寶色三十二
相一一相中五百億寶色一一好中亦有五百
億寶色一一相好艷出八萬四千光明雲與
諸天子各坐華座晝夜六時常說不退轉地
法輪之行經一時中成就五百億天子今不
退於阿耨多羅三藐三菩提如是處兜率陀
天晝夜恒說此不退轉法輪度諸天子閻浮提
歲數五十六億萬歲爾乃下生於閻浮提如
弥勒下生經說佛告優波離是名弥勒菩薩
於閻浮提沒生兜率陀天因緣佛滅度後我
諸弟子若有精勤修諸功德威儀不缺掃塔

塗地以衆名香妙華供養行衆三昧深入正
受讀誦經典如是等人應當至心雖不斷結
如得六通應當繫念念佛形像稱彌勒名如
是等輩若一念頃受八戒齋修諸淨業發弘
誓願命終之後譬如壯士屈申臂頃即得往
生兜率陀天於蓮華上結加趺坐百千天子
作天伎樂持天曼陀羅華摩訶曼陀羅華以
散其上讚言善哉善哉善男子汝於閻浮提
廣修福業來生此處此處名兜率陀天今此
天主名曰彌勒汝當歸依應聲即禮禮已諦
觀眉間白毫相光即得超越九十億劫生死
之罪是時菩薩隨其宿緣爲說妙法令其堅

固不退轉於無上道心如是一等衆生若淨諸業行六事法必定無疑當得生於兜率天上值遇彌勒亦隨彌勒下閻浮提第一聞法於未來世值遇賢劫一切諸佛於星宿劫亦得值遇諸佛世尊於諸佛前受菩提記佛告優波離佛滅度後比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽等是諸大衆若有得聞彌勒菩薩摩訶薩名者聞已歡喜恭敬禮拜此人命終如彈指頃即得往生如前無異但得聞是彌勒名者命終亦不墮黑闇處邊地邪見諸惡律儀恒生正見眷屬成就不謗三寶佛告優波

離若善男子善女人犯諸禁戒造衆惡業聞
是菩薩大悲名字五體投地誠心懺悔是諸惡
業速得清淨未來世中諸衆生等聞是菩薩大
悲名稱造立形像香華衣服繒蓋幢幡禮拜
繫念此人命欲終時弥勒菩薩放眉間白毫
大人相光與諸天子兩曼陀羅華來迎此人
此人須臾即得往生值遇弥勒頭面禮敬未
舉頭頃便得聞法即於無上道得不退轉於
未來世得值恒河沙等諸佛如來佛告優波
離汝今諦聽是弥勒菩薩當爲未來世一切
衆生作大歸依處若有歸依弥勒菩薩當知
是人於無上道得不退轉弥勒菩薩成多陀

阿伽度阿羅訶三藐三佛陀時如此行人見
佛光明即得受記佛告優波離佛滅度後四
部弟子天龍鬼神若有欲生兜率天者當作
是觀繫念思惟念兜率陀天持佛禁戒一日
至七日思念十善行十善道以此功德迴向
願生彌勒前者當作是觀作是觀者若見一
天人見一蓮華若一念頃稱彌勒名此人除
却千二百劫生死之罪但聞彌勒名合掌恭
敬此人除却五十劫生死之罪若有禮敬彌
勒者除却百億劫生死之罪設不生天未來
世中龍華菩提樹下亦得值遇發無上道心
說是語時無量大衆即從座起頂禮佛足禮

弥勒足遶佛及彌勒菩薩百千匝未得道者
各發誓願我等天人八部今於佛前發誠實
誓願於未來世值遇弥勒捨此身已皆得上
生兜率陀天世尊記曰汝等及未來世修福
持戒皆當往生弥勒菩薩前爲弥勒菩薩之
所攝受佛告優波離作是觀者名爲正觀若
他觀者名爲邪觀

尔時尊者阿難即從座起叉手長跪白佛言
世尊善哉世尊快說弥勒所有功德亦記未
來世修福衆生所得果報我今隨喜唯然世
尊此法之要云何受持當何名此經佛告阿
難汝持佛語慎勿忘失爲未來世開生天路

示善提相莫斷佛種此經名弥勒菩薩般涅
 槃亦名觀弥勒菩薩上生兜率陀天勸發善
 提心如受持佛說是語時他方來會十萬
 菩薩得首楞嚴三昧八萬億諸天發善提心
 皆願隨從弥勒下生佛說是語時四部弟子
 天龍八部聞佛所說皆大歡喜禮佛而退

觀弥勒菩薩上生兜率陀天經

豈

段雲

上徒反

拘留

上音俱

閣

市遮反

佉

丘迦反

跋

蒲末反

闕

吾蓋及反

阿逸

下夷彌勒名也

垣

音園一音九四

觸

上宅耕反

紺

頗梨

上疋作

婉轉

上紆阮

振觸

上宅耕反

紺

紺

赤色也

古暗反青

映徹

上於敬反

攔楯

下時尹反

攔楯


攔楯

也 相也 橫 白 極 涌 音 荷 佩 上 朝 可 反 以 負 懸 處 下 反

捺 國 代 上 反 奴 艷 赫 下 許 客 反 鑄 音 注 榜 嚴 上 郎 登 反

炳 然 光 上 音 丙 甄 叔 上 居 延 反 繒 疾 陵 反 唯 然

上 于 反



Vertical text on the left margin, including some illegible characters and a large '上' character.

